



# **UNDANG-UNDANG MALAYSIA**

**Akta A475**

**AKTA PEMBERIAN PERTAMBAHAN HASIL  
(PINDAAN) 1980**

Tarikh Persetujuan Diraja ... 25hb Januari 1980

Tarikh diterbitkan dalam *Warta* ... 31hb Januari 1980

# UNDANG-UNDANG MALAYSIA

3

Akta A475

## AKTA PEMBERIAN PERTAMBAHAN HASIL (PINDAAN) 1980

Suatu Akta untuk meminda Akta Pemberian Pertambahan Hasil 1977.

[

]

MAKA INILAH DIPERBUAT UNDANG-UNDANG oleh Duli Yang Maha Mulia Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Rakyat yang bersidang dalam Parlimen, dan dengan kuasa daripadanya, seperti berikut:

1. (1) Akta ini bolehlah dinamakan Akta Pemberian Pertambahan Hasil (Pindaan) 1980 dan tertakluk kepada seksyen-kecil (2) hendaklah disifatkan telah mula berkuat-kuasa pada 1hb Januari 1978.

Tajuk ringkas dan mula berkuat-kuasa.

(2) Perenggan (b) seksyen 2 dan seksyen 6 Akta ibu sebagaimana yang diperuntukkan masing-masing di bawah seksyen-seksyen 2 dan 7 Akta ini hendaklah mula berkuat-kuasa pada 1hb Januari 1980.

2. Seksyen 2 Akta Pemberian Pertambahan Hasil 1977, yang mana dalam Akta ini disebut Akta ibu, adalah dipinda dengan menggantikannya dengan seksyen baru yang berikut—

Pindaan seksyen 2. Akta 181.

“Pemberian-pemberian kepada Negeri-negeri. 2. Apabila terdapat pertambahan dalam hasil Persekutuan dalam sesuatu tahun kewangan berbanding dengan tahun kewangan yang dahulunya Menteri hendaklah bagi tahun kewangan yang berikutnya memperuntukkan bagi maksud membuat pemberian-pemberian di bawah seksyen-seksyen 4 dan 4A suatu amaun tidak melebihi seratus juta ringgit yang hendaklah dibahagi-bahagi seperti berikut—

(a) sebahagian daripada amaun itu tidak melebihi lima puluh juta ringgit bagi maksud-maksud seksyen 4;

(b) bahagian yang tinggal lagi itu tidak melebihi lima puluh juta ringgit tidak maksud-maksud seksyen 4A: ringgit bagi

Dengan syarat bahawa had seratus juta ringgit, lima puluh juta ringgit dalam perenggan (a) dan lima puluh juta ringgit dalam perenggan (b) boleh dikajisemula dan diubah oleh Menteri.”

3. Seksyen 3 Akta ibu adalah dimansuhkan.

4. Seksyen 4 Akta ibu adalah dipinda dengan—

(a) memasukkan selepas sahaja perkataan “Negeri-negeri” yang terdapat dalam nota bidai perkataan-perkataan “sama banyak dan berdasarkan bilangan penduduk”;

(b) menggantikan perkataan-perkataan “Hasil bagi Negeri-negeri bagi sesuatu tahun tertentu sebagai mana yang dinyatakan dalam perenggan (a) seksyen 3 hendaklah dibahagi-bahagi” yang terdapat di dalamnya dengan perkataan-perkataan “Jumlah wang yang diperuntukkan di bawah perenggan (a) seksyen 2 hendaklah dibahagi-bahagi sebagai pemberian”;

(c) menggantikan perkataan “hasil” yang terdapat dalam perenggan (a) dengan perkataan “jumlah”;

(d) memasukkan selepas sahaja perkataan-perkataan “two shares per head for the” yang terdapat dalam perenggan (b) dalam teks bahasa Inggeris sahaja perkataan “first”.

5. Masukkan selepas sahaja seksyen 4 Akta ibu seksyen baru 4A yang berikut—

4A. Jumlah wang yang diperuntukkan di bawah perenggan (b) seksyen 2 hendaklah dibahagi-bahagi sebagai pemberian antara Negeri-negeri yang keluaran kasar dalam negeri per kapitanya adalah kurang dari purata negara bagi keluaran kasar dalam negeri per kapita. Keluaran kasar dalam negeri per kapita bagi Persekutuan dan semua Negeri-negeri dalam Persekutuan hendaklah ditetapkan oleh Persekutuan. Pemberian yang kena diberi kepada tiap-tiap Negeri yang layak hendaklah seimbang dengan nisbah perbezaan antara

Pemansuhan  
seksyen 3.  
Pindaan  
seksyen 4.

Seksyen  
baru 4A.

“Pembahagian  
antara  
Negeri-negeri  
yang keluaran  
kasar dalam  
negeri per  
kapitanya  
kurang dari  
purata  
negara.

PEMBERIAN PERTAMBAHAN HASIL (PINDAAN)

[S. 3-8]

purata negara dan keluaran kasar dalam negeri per kapita Negeri itu berbanding dengan jumlah kesemua perbezaan antara purata negara dan keluaran kasar dalam negeri per kapita tiap-tiap Negeri yang layak itu.”

5

6. Gantikan seksyen 5 Akta ibu dengan yang berikut—

“Peruntukan selepas audit.”

5. Jumlah yang ditetapkan dalam perenggan (a) dan (b) seksyen 2 bagi diperuntukkan di bawah sesuatu tahun kewangan hendaklah diperuntukkan hanya selepas akaun-akaun semua hasil yang diterima oleh Persekutuan bagi tahun kewangan yang dahulunya telah ditutup dan diudit.”

Pindaan seksyen 5.

7. Gantikan seksyen 6 Akta ibu dengan yang berikut—

“Maksud pemberian-pemberian.”

6. Pemberian-pemberian yang dibuat kepada sesuatu Negeri di bawah seksyen 4 hendaklah digunakan untuk menambah secara keseluruhan kepada hasilnya dan pemberian yang dibuat kepada sesuatu Negeri di bawah seksyen 4A hendaklah digunakan bagi mana-mana atau kesemua maksud-maksud pembangunan tertentu yang berikut—

Pindaan seksyen 6.

(a) bekalan air;

(b) perumahan awam;

(c) kemajuan tanah perusahaan;

(d) kerja-kerja kecil; dan

(e) apa-apa projek pembangunan lain sebagai mana yang ditetapkan dari semasa ke semasa oleh Majlis Kewangan Negara yang ditubuhkan di bawah Perkara 108 Perlembagaan Persekutuan.”

8. Seksyen 7 Akta ibu adalah dipinda dengan menggantikan perkataan-perkataan “seksyen-seksyen 3 dan 4” dengan perkataan-perkataan “seksyen-seksyen 4 dan 4A”.

Pindaan kepada seksyen 7.